



Шорно эл, порымлык да гым берр!

34-ше (3266) №,  
2016 ий 20 август,  
шуматкече.

# ЯМДЕ ЛИЙ

1933 ий 1 февраль годсек лектеш.

0+

## Россий министрлан пöлек - марий курчак



Д.Речкинын фотожо.

**Пытаргыш**  
кок-кум ий жапыште  
Марий Элышына Россий Фе-  
дерацийысе ятыр министр толын  
каен. Тений шошым Йошкар-Ола Пре-  
зидент В.В.Путиным вашлийын ыле. А теве 12  
августышто Россий Федерацийысе образований  
да науко министр Дмитрий Викторович Ливанов  
толын. Тудо икмынар вере ончен коштын. Марий Эл  
вуйлатыше Леонид Игоревич Маркелов Национальный  
президент школ-интернат дене палдарен. Тушто нунылан  
марий вургеман курчак-влакым пöлекленыт.

Республиканский августысо конференцийыш Марий Элысе  
школлаште тыршыше 600 наре тунуктышо погынен. Нунын  
ончылно выступатлымыж годым федеральный министр тыгерак  
каласен:

– Республикыштыда образований дене кылдалтше показат-  
ель-влак Российысе деч кугурак улыт. Педагог-влаклан  
пашадар жапыште тїлалтеш, йочасадлаште верым 100  
процентлан ситарыме, у школ да йочасад-влак  
чоңалтыт – моткоч сай!

(Умбакеже 2-шо лаштыкыште лудса.)

Подписке – 2016 «Ямде  
лий» газет –  
чын йолташ!

«Ямде лий» газетлан воза-  
лтде кодынат? Ит ойгыро,  
вашмут уло.

Йöратыме газет-  
лан Российысе  
кеч-могай почто  
отделе-  
нийыш-  
те кажне  
тылзын  
15-ше  
кечыже  
марте  
подпискым  
ыштен керташ.

